


KM HARGAI KERAJAAN PUSAT

● **Kembalikan semula kepada Sarawak untuk menguruskan alam sekitar di bawah MA63**

Penurunan kuasa itu membenarkan Persidangan Dewan Undangan Negeri (DUN) untuk meminda Rang Undang-Undang (RUU) Sumber Asli dan Alam Sekitar (Pindaan) 2019.

"Pindaan ini membenarkan pegawai-pegawai (Lembaga Sumber Asli dan Alam Sekitar - NREB) kita mempunyai kuasa untuk melaksanakan apa-apa tindakan dan menguruskan alam sekitar kita melalui perspektif negeri Sarawak."
- Abang Jo



KM hargai Kerajaan Persekutuan

KUCHING: Kerajaan Persekutuan di bawah Perjanjian Malaysia (MA63) telah mengembalikan kuasa kepada Sarawak untuk menguruskan alam sekitar dengan sendiri.

Ketua Menteri Datuk Patinggi Abang Johari Tun Openg berkata penurunan kuasa itu membenarkan Persidangan Dewan Undangan Negeri (DUN) kali ini untuk meminda Rang Undang-Undang (RUU) Sumber Asli dan Alam Sekitar (Pindaan) 2019.

"Pindaan ini membenarkan pegawai-pegawai (Lembaga Sumber Asli dan Alam Sekitar-NREB) kita mempunyai kuasa untuk melaksanakan apa-apa tindakan dan menguruskan alam sekitar kita melalui perspektif negeri Sarawak," katanya.

Abang Johari berka-

ta demikian ketika Majlis Perasmian Hari Alam Sekitar Negara (HASN) Peringkat Negeri Sarawak 2019 di Dewan Santapan, Bangunan Dewan Undangan Negeri Sarawak semalam.

Menurutnya Kerajaan Sarawak komited untuk menguruskan masalah alam sekitar secara holistik menerusi teknologi moden bagi memastikan alam sekitar dalam keadaan baik untuk rakyat negeri ini.

Abang Johari menekankan walaupun alam sekitar di Sarawak belum mencapai tahap kritikal namun Kerajaan Sarawak telah bersiap sedia memelihara alam sekitar dan warisannya untuk generasi muda pada masa depan.

"Pemeliharaan akan didasari secara penanaman semula hutan yang mana hutan akan ditanam semula dan kami juga meminta pihak

swasta untuk turut serta untuk membantu kami menanam hutan,

"Kita juga mengukuti negara-negara lain yang mempunyai teknologi terkini, di mana kita cuba untuk mencegah pelepasan karbon dioksida, dan kerana itu kita berani untuk membangunkan ekonomi hidrogen. Walaupun ada yang mengatakan terlalu awal, tetapi saya percaya rakyat Sarawak mempunyai kepakaran untuk bekerja dengan pakar bagi membangunkan teknologi supaya Sarawak mempunyai tenaga boleh diperbaharui," jelasnya Sarawak kini mempunyai kuasa dari hidro iaitu hidrogen untuk membangunkan ekonomi.

"Di Malaysia, ia mempunyai rangka tindakan pada 2017 untuk mengamalkan hidrogen. Tetapi bagi Sarawak, kita telah pun memulakan projek perintis kami



DIRASMIKAN... Datuk Patinggi Abang Johari Tun Openg diiringi bersama Ketua Pengarah JAS, Norlin Jaafar, menekan butang sebagai merasmikan Sambutan Hari Alam Sekitar Negara Peringkat Negeri Sarawak, di Dewan Santapan, DUN Sarawak, di Kuching, semalam.

untuk menghasilkan hidrogen terlebih dahulu. Ini akan menjadikan Malaysia menjadi yang pertama yang serius di alam sekitar," tegasnya.

Oleh itu, beliau meyakini Sarawak berada pada landasan yang tepat untuk memberi kesedaran mengenai kepentingan menjaga

alam sekitar yang mana ketidakseimbangan masalah yang tidak menentu ini perlu ditangani oleh kerajaan masing-masing.